




Cim 244



ASSERTIO

Q V O R V N D A M, Q V A,
inter cœteras non paucas, affirmant,
charitatem non esse maiorem seu præ-
stantiorem fide in hac vita, ab Alber-
to Nouicampiano, scriptura sacra, &
testimoniis orthodoxorum, in præ-
sentiarum vel ob hoc confutata,
quod in ea ceu in cardine salus
hominis tota vertatur, a qua
vna nō orthodoxe astru-
cta, discite alias.

2. A D T I M O. 2.

Seruum domini non oportet litigare, sed man-
suetum esse ad omnes, docibilem, patientem, cū
modestia corripientē eos qui resistunt ueritati.

Cim. O. 244.

1. P E T R I. 3.

Parati semper ad satisfactionem omni poscenti
uos rationem de ea quæ in uobis est spe.

HIERONY. IN PROLO. BIBLI.
Sancta quippe rusticitas solum sibi prodest, &
quantum edificat ex uita merito ecclesiā Chris-
ti, tantum nocet si destruentibus nō resistat.

I D E M.

Multi in eo se doctos arbitrantur, si alijs detra-
bant, legant prius, ne ex odij præsumptione ma-
gis quàm ex iudicio damnare uideantur.

REm indubiè bonam esse intelligimus (ait quidam) amice lector, fidei prædicationem, cæterū non vsquequaq; necessariam, vt interim de studiosis operibus sileatur, aut admodum frigidè tractetur. Nullos arbitror esse inter nos, qui Christiani dicimur, qui non in Christum credant, seseq; ab illo saluari & iustificari putēt, atq; in vnum illum collocandam fiduciam nostrā, & certò credant peccatorum remissionē fieri per illum. Verum qui huic rei respondentia faciat opera, perpaucos, adeò mutuis alter in alterum ordinis inhiamus, adeò nostra quarimus, ventri indulgemus, ac carni, falso libertatis titulo euangelicæ, uoluptaria sectamur, ac placētia. Huiusmodi ergo insectari uic

Gagneius
christianis
fimi regis
Gallorum
Ecclesia
stes.

cia, & ad contraria eis opera adhortari, docereq; ne ea nobis tribuamus, sed vni Deo feramus accepta, veri sunt Euangelistæ partes. Nostræ verò tempestatis homines, qui nihil minus sunt quā fideles, quibus sēper fides, & Christus ac spiritus in ore, de operibus vel ne verbum quidem faciunt, vel frigidè dicunt, adeò vt nō desint quidam qui summa contē tione, fidem in hac vita charitati præferant, nosq; omnes opinione sua infideles iudicent. Quorum quidem assertionē, inter cæteras non paucas, refellendam duxi sacre scripturæ, & grauissimorum authorum, eorumq; orthodoxorum testimonijs. Malui enim in re tā grauissima his niti, nec somnia capitis sui (sicut illi sæpius faciunt) sequi, ne rei tam seriæ fides

A ñ abro

*Ratio or-
dinis in as-
sertione tra-
cta ob-
seruati.* abrogetur. Quoniam autem nō-
nulli recentiorum aiunt fidem nō
disiungi à charitate, illamq; in pec-
catoribus non esse, præterea solā
sufficere ad iustificationem, & vi-
tam æternā consequendam. Pro-
inde ego eorum sententiam con-
futans, scripturæ sacræ locos, &
grauissimos authores in medium
profero, contrarium docētes. Ex
quibus & alijs hic positis, assertio
nem à me defensam, veram
esse demonstro. Vale, hāc q;
operam nostram boni
consule.

(.)

3
A S S E R T I O, I N-
ter alias non paucas, non ortho-
doxe, a quibusdam astrus-
cta.

¶ Charitas non est fide præstan-
tior seu maior in hac vita.

Huic contraria, & orthodoxa est hæc.

Charitas, & si initium sumit à fide,
tamen præstantior seu maior est
fide, in hac vita.

Hæc ex sequentibus uera esse colligitur.

D I U I N S P A V L V S capi. 13. Episto-
læ 1. ad Corin. in quo docet charitatē
reliquis spiritus sancti donis præstan-
tiorē esse, hæc, inter cætera, ait. Si
habuero (vt in græco est) *νόον πῖσις*,
id est, omnem fidem, ita vt montes
trāsferam, charitatem autem non ha-
buero, nihil sum. Qui quidem locus
cum non vno modo exponatur, sin-
gulæ expositiones proferendæ, vt ve-
ritas magis eluceat. Non defunt (pre-
sertim qui fidem aiunt nō posse prorsus
disiungi a charitate, idq; inepte, vt
paulo post patebit) qui hyperbolicos

*Prima ex
positio lo-
ci citati.*

A iij Paulū

Galat. 1

Paulum hæc dixisse ferunt. Si scilicet fieri posset per impossibile, ut quispiam haberet tantam fidem, sine charitate, is nihil esset. Non autem asseruisse fidem posse esse sine charitate. Quali hyperbolica exaggeratione in eodem capite usus. Si linguis hominum loquar & angelorum. Et ad Galatas. Sed licet nos, aut angelus de cælo euangelizet vobis, preterquam quod accepistis, anathema sit. Quo quidem modo, etiam si hic locus intelligatur, constat prudenti, hic a Paulo charitatē præferri fidei. Exaggeratione enim res magis confirmat. Alii

Secunda expositio q̄ exponunt, sed aiunt illum reuera sensu docetur si fuisse, fidem inueniri sine charitate, illud esse possumq̄ a charitate disiungi posse, esse q̄ præstantiorem fide. Sicut & in illis verbis in eodem capite positus. Si habuero prophetiam, & nouerim mysteria omnia, & omnē scientiam, nihil sum. Et si distribuero in cibos pauperum omnes facultates meas, & si tradidero corpus meum, ita ut ardeam, charitatē autem non habuero, nihil mihi

4
mihi prodest. Nō ab impossibilibus argumentatur, sed ex his quæ poterant contingere, præcellentiam, & necessitatem charitatis colligit, fidē autem intelligunt non vulgare, sed syncceram, veram, euangelicam, quæ grano sinapis comparatur, non ob exilitatem, sed vim, & acrimoniam, qualis est in modico grano sinapis. Quam interpretationem esse veram, & ipsa verba Pauli indicant. Dicit enim nō *Matt. 17.* qualemcumq̄ fidem, sed omnem, & eam quæ montes loco transferat, iuxta promissum Christi. Quæ cum talis sit, non vulgaris esse videtur, & hic a *Authores* Paulo aperte disiuncta a charitate. *locū Pauli* Ad eum modum locus hic intelligitur exponens a Theophylacto, Origene & Gentes. nadio græco, ut refert Gagneius Christianissimi regis Gallorum Ecclesiastes in hunc locū scribens, in qua sententia & ipse est. Quin & Cyprianus Augustinus, Hieronymus, Basiliius, Gregorius, Anselmus, Bernardus, citante testimonia eorum Andrea Vega in concilium Tridentinum. Quod & ipsum (ut inquit ille) vel illi operarii ini-

iniquitatis, nobis possunt manifeste
Matth. 7. ostendere, qui apud Mattheum dicunt
Domine nonne in nomine tuo pro-
phetauimus, & in nomine tuo demonia
eiecimus, & in nomine tuo mul-
tas virtutes fecimus? Quippe hæc rã-
ta & tam eximia opera, sine fide fieri
non potuerunt. Et responsum Chris-
ti ad eos: Nunquam noui vos, veluti
& contextus Græcus habet οὐδέποτε
ἔγνωμεν ὑμᾶς, palam indicat, nec tum ha-
buisse eos charitatem, cum illa facies-
bāt. Quare Cyprianus exaggerās hūc
Cyprianus de simp: præla. locum scribit. Iusticia opus est, ut q̃s
promereri possit Deum, præceptis
eius & monitis obtēperandū est, ut ac-
cipiant merita nostra mercedem. Et
Cyrillus in Ioan. ex iisdē verbis sic colligit Cyrillus. Nō
in verborum assentationibus, sed in
affectu agētis, fides esse probat. Quas
Iacobi. 2. re mortuam illam esse sine operibus
scriptura dicit: Et vnde nisi a fide p̃-
fisciscabatur illa vox in virginibus fa-
tuus: domine domine aperi nobis. At
vero neq̃ eas charitatē habuisse tū,
perspicuum est ex eo quod clausa eis
fuit ianua, & sponsum eis respondit,
ne

5
nescio vos. Vnde et Chrysostomus ex Chrysosto.
hac parabola colligit, non perdi fidē ho-
hil. 54
per peccatum, & in hoc errasse virgines istas quod fidem solam putarunt
ad salutem sufficere. Idemq̃ nos do-
cent non obscure obiurgationes, qui-
bus & Christus & discipuli obiurga-
bant dei populum, non enim ut in-
credulum & infidelem semper repre-
hendebant, sed hoc potius frequēter
in eo arguunt quod cū rectam habes-
ret fidem, non tamen rectis, sed præs-
uis utebantur moribus, & factis vide-
bantur negare, quod ore & corde cre-
debant. Nā Christus non exprobrat
Chorazī, Bethsaide, & Capernaum, *Matth. 11*
quod non credidissent, sed quod non
egissent poenitentiā. Tantundēq̃ Pau-
lus arguebat in Corinthiis, neq̃ vnq̃
aut illos, aut incestuosum reprehens-
dit de incredulitate. Sed apertissime
Iacobus testatur fidem esse in peccas-
toribus. Quid proderit (inquit) fra-
tres mei, si fidem dicat se quis habere,
opera autem non habeat, nūquid pos-
terit illum fides saluare? Vides quod
non negat fidem esse sine operibus,
B sed

sed tantum asserit eam, sine illis non
posse quem saluare. Et statim peccato-
rem rogat. Tu credis quoniam vnus
est deus. Et quasi annuente se crede-
re, mox ait, bene facis: Sed ne tali fide
putaret quispiam se saluum fore, ad-
iecit statim eam fidem esse etiam in de-
monibus, & ociosam ac plane mortu-
am esse, sicut corpus spiritu destitutū.
Ioan. 13. Hoc idem poscunt illa verba Christi
ad apostolos, si hæc scitis, beati eris-
tis si feceritis ea. Nam ea satis innuunt
fieri posse, vt qs sciat madata Christi,
& eis fidem adhibeat, & tamē illa nō
faciat. Ostenditq; hoc nobis aliquan-
do apertius Christus, in parabola filii
Luce. 15. prodigi. Nam vtq; fidem ille habebat
cum in se reuersus dixit. Quanti
mercenarii patris mei abundant pa-
nibus, ego autem hic fame pereor? Vnde
enim tam bona verba produissent?
Atq; hæc præcessisse iustificationem
Hieronymus in epistola ad Damasū
de filio hoc prodigo palam tradit. Et
manifesta ratio ostendit, quia hæc co-
gnitio ad iustificationem non sufficit,
nisi sequatur vera poenitentia. In Eu-
uangelio

6
uangelio etiam Ioannis aperte testatur
multos ex principibus Iudeorum
credidisse in Christum, sed dilexisse
eos magis hominum gloriam, quam
gloriam dei; & propter phariseos nō
fuisse confessos quod credebant. Et
certē vel hinc omnes agnoscere des-
berent, fidem sæpe disiungi a charitas-
te, & in peccatoribus manere, quia vi-
demus multos fideles recte quidē cre-
dere, & a nullo fidei articulo dissentis-
re, imo & paratos esse mori potius,
quam fidem vel in minimo negent,
& tamen per carnis fragilitatem, vel
per ignorantiam permanere in aliq-
bus peccatis. Sunt & alię rationes q-
bus ostenditur fidem manere in pec-
catoribus, atq; ob id disiungi a chari-
tate. Quodsi quispiā dixerit necesse
esse vt peccator id nō credat esse ma-
lum, aut damnabile quod sciens & vo-
lens facit, sed id repugnat & libertati
nostrę voluntatis, & multis testimo-
niis scripturarum. Christus ait. Ser-
uus sciens voluntatem domini, & nō
faciens eam, plagis vapulabit multis.
Et Iacobus. Scienti igitur bonum fa-
ciens

Obiectio-
nis solu-
tio.

Luce. 12.

Iacobi. 4.

B ij cere

cere, & nō facienti, peccatum est illi.
Et aliis pluribus in locis sacrae scrip-
turae. Quod si illis non credit, illi ei
iurabūt peccatores fideles, se de nul-
la fidei veritate dubitasse, cum erant
in peccato aliquo mortali scientes, &
suae culpae consciī. Palam igitur est ex
prædictis sacrae scripturae locis, fidem
sine charitate esse, sed non prodesse
ad salutem. Quod etiam summo consensu tradiderunt doctores. Fides prī-
cipium christiani est, plenitudo autē
christiani iusticia, inquit Ambrosius
us in illud psalmographi. Principium
tuorum veritas. Idem in illa verba.
Omnes vult saluos fieri. Fides ē quae
dat salutem, quam nisi mens tota sus-
ceperit voluntate, & non solum ni-
hil proderit, sed & oberit. Fidei enim
gratia hāc habet potestatem, vt deuotis
sibi, diuinam infundat medelam, indes-
uotis vero conferat morbum, per quē
totus homo intereat. Vnde illud Pe-
tri, melius erat illis non cognoscere
viam iusticiae, quam post agnitionem
retrosum conuerti ab eo quod illis
traditum est sancto mādato. Idem in
com

Authores
ecclesiasti-
ci.

Ambrosi.

1. Timo. 2.

1. Petri. 2.

com: loci Pauli. Virtutes facere, aut
dæmonia per fidem eicere, dei vir-
tus est & gloria, neque hoc ad meritū
proficit, nisi quis bonae conuersatio-
nis fuerit æmulus. Et statim. Nihil pro-
ficit charitate neglecta, quia caput re-
ligionis est charitas, & qui chari-
tatem non habet, vitam non habet,
sine charitate nihil prodest, quia fun-
damentum religionis est charitas.
Quod ergo sine charitate fit, caducū
est. Hieronymus item. Frustra nobis
in eo applaudimus, cuius mandatum
non facimus. Scienti bonum & non
facienti illud, peccatum est. Neque grā
de putemus vnum deum credere, cū
& dæmones credant & contremiscāt
Augustinus dum ostendit detracta
charitate nihil cætera prodesse, enu-
meratis multis dei donis, subdit. Ma-
gna res est postremo fides mōtes trās-
ferēs, sed si ego hæc sine charitate ha-
beam, non illa, sed ego nihil sum. Et
alibi. Quid prodest homini vel sana fi-
des, vel sanum fortasse solum fidei sa-
cramentum, vbi letali vulnere scisma.

1. Cor. 13.

Hierony.
2. contra
Iovinian.

Augu. ser-
mone 50.
de uer. do

B iij tis

1. De bap:
con: don:
capi. 8.
13. de tri.
Euch. cap
117.

tis, perempta est sanitas charitatis, ꝑ
cuius interemptionem etiam illa inte
gra trahuntur ad mortem. Et aliās, si
ne charitate fides potest quidem esse,
sed non prodesse. Et in alio loco. Cha
ritas quanto in quocunq; maior est,
tanto melior est in quo est. Cum eni
queritur, vtrum quisq; sit homo bo
nus, non querit quid credat, aut spe
ret, sed quid amet. Nam qui recte a
mat, proculdubio recte credit, & spes
rat. Qui vero non amat, inaniter cre
dit, quamuis sperare sine amore non
possit, fieri tamen potest, vt id non a
met, sine quo ad id quod sperat, non
perueniat. In libris etiam de trinita
te. Dilectio dei, & proximi propria
& specialis virtus est piorum, & san
ctorum, cū coetere virtutes bonis &
malis possunt esse communes. Et in
eisdem charitatem, singulare sancto
rum donum appellat, & in ea asserit
discerni filios dei a filiis impietatis.
Iuxta illd' Christi. Per hoc cognoscet
omnes quod discipuli mei estis, si cha
ritatem iter vos seruaueritis mutuā.
Et Chrysostomus, Fides per verbum
Dei

dei nascitur, per pacem seruatur, per Chrysost.
charitatem nutritur. Fides autē quæ homel. 26
non habet charitatem, nullum potest in Matth.
boni fructum efficere. Et Cornelium
dicit habuisse veram fidem priusquā
iustificaretur. Et alibi. Qui soluerit,
& docuerit sic, inter christianos qui
dem erit, tamen minimus christia
nus. Basilius itē magnus in proemio
libri de moribus, quanquam agebat
de vera fide, tamen veritatem hanc
catholicam docuit, & agnouit ex tes
timoniis Pauli. Si habuero omnem
fidem. &c. Nunc manet tria hæc. &c.
Colligit charitatem omnium virtutū
esse maximam, & eam esse christiani
hominis peculiare quoddam insigne,
iuxta Christum. Per hoc cognoscant
omnes quia discipuli mei estis, si cha
ritatem inter vos seruaueritis mutu
am. Cyrillus. Quod fides ad salutem
non sufficiat. Christi etiam discipulus
ostendit scribens. Tu credis quia vnus
deus, dæmones etiam credunt & cō
treminiscunt, si ergo sola fides sufficeret,
multitudo dæmonum perire non pos
set. Et alio in loco, propterea Christū
dixisse

Basilius.

Cirillus in
Ioannem

Cyrillus in dixisse existimat. Qui habet mandata
Ioannem tamea, & seruat ea, ille est qui diligit
Ioan. 14. me, quia non satis est ad beatitudinē
habere mandata Christi, hoc est, susce-
pisse fidem, & tenaci memoria candi-
dam euangelicorum præceptorum
cognitionem retinere, nisi secundum
ea viuamus. Bernardus item. Mors fi-
Bernard. dei, est separatio charitatis. Item ali-
bi. Nō plane omnis qui fidem habet,
ex fide uiuit. Nā fides sine operibus
mortua est, nec potest dare vitā quā
minime ipsa habuerit. Et alii permul-
ti catholici. At inquires, quomodo po-
Solutio test quis sine charitate tantam fidem
obiciōis habere, vt montes transferat, aut sub-
stantiam diuidat, & corpus suum tra-
dat vt ardeat, sicut Paulus in verbis
citatis dixit, huic questionī respondet
ille Magnus Basilius, vt refert Alfon-
sus contra hæreses. Si memores su-
mus, inquit, domini dicentis, faciunt
enim omnia vt videantur ab hominib-
us, sed quod respondit dicentibus.
Domine nonne in nomine tuo demo-
Mar. 7. nia eiecimus, & in nomine tuo virtus
multas fecimus, cum ait ad eos.

Nescio

Nescio vos vnde sitis, non quia mens-
titi sunt, sed quia gratia dei abusi sūt
ad proprias voluntates. Quod vtrūq;
alienum est a charitate dei. Hæc ille.
Obiectio. Rursus si dixeris fidem non manere
in peccatoribus, nec illam disiungi a
charitate, quod scriptura sapissime
iustificationem, & vitam spiritualem
tribuit fidei, quæ certe non obuenit
his qui in peccato perstant, & fidem
Ioan. 6. non habent, vt illud Christi, qui cre-
dit in me habet vitā eternā. Et iterū:
q̄ credit in me, etiā si mortuū fuerit vi-
uet. Et illud per fidem habitare Chri-
Ephe. 3. stum in cordibus nostris, & purifica-
Actu. 15. ri, & obtineri vitæ eternæ hæredita-
tem. Ad hæc, & similia, id responsum
And. Veg. habe, ex sententia orthodoxorū, scri-
li. 14. in cō pturā hæc dicere, non quod fides so-
Triden. et la ad vitā vel iusticiā sufficiat, nec ne-
ix. ca. 23. cesse est de fide viua, aut formata hæc
sicuti pleriq; putant, intelligere. O-
perari per dilectionem incipit fides,
& paulatim perducit homines ad ius-
ticiam, prius saltem natura, quam sit
formata. Sed causa huiusmodi locuti-
onum est, (vt ab orthodoxis copiose

C

*Ea de re
ferius.*

differt ipsa virtus & potentia fidei
quæ nisi impediretur, perduceret ho-
mines ad iusticiam, atq; in ea perpe-
tuo illos seruaret, & eximia illis bona
& incrementa iusticiæ passim concis-
liaret. Hæc si quis perpenderit, non
affirmabit restringi fidem ad sola ius-
tificationis initia. Est ab illa initium,
incrementum, & complementum ius-
ticiæ, neq; negatur illam nos infere-
re Christo triumphatori mundi, atq;
ideo & victoriā quæ vincit mundum,
a Ioanne nominari. Tantum ne id so-
li fidei quis tribuat, ita vt cæteræ vir-
tutes excludantur, vt illis neget sua
laus, neq; quod commune fidei, spei,
& charitati earum author esse voluit
vt ex præcedentibus patet, in solidū
vni fidei tribuatur. Quis enim radici
germinationem abroget bonorum
fructum? quis fundamēto, domus glo-
riam neget, vel fastigii? Quo quidem
modo, si bene quis aduertat, verius et
solidius fides laudabitur, cum dicef,
non sola fide nos coniungi Christo, et
ipsius dona recipere, sed & operibus
aliarum virtutum, quæ & ipsa germinat

*Fidei laus
solidior.*

fiat, & idonea & potentia ad id obti-
nendum cum dei adiutorio facit. Fi-
de enim quasi instrumento apprehē-
dimus & applicamus nobis meritum
passionis Christi, cuius sanguine loti
sumus a peccatis nostris, & reconcili-
ati deo patri, cum natura simus filii
iræ. Ob quam passionem Christi fide
applicatam, opera nostra consequen-
tia fidem: placent deo, & merita dis-
cuntur apud deum ex congruo, qua-
tenus scilicet per fidem fundantur in
gratia & passione Christi, nobiscum
ita paciscentis, vt credentes, volen-
tesq; ingredi regnum cœlorum, ser-
uemus mandata dei. Non autem ex
condigno, quod scilicet sint tanti mo-
menti nostra opera, vt sola ex se me-
reantur gratiam dei, & iustificationē
vitamq; æternam. Non enim sunt
(ait Paulus) condignę passionis hu-
ius temporis ad futuram gloriā quæ
reuelabitur in nobis. Alioqui christi-
anorum opera, diuersa non essent ab
operibus eorum, qui in Christum nō
credunt. Iam si doctores produxerit
quispiam, ex quibus videtur contra

Opera.

Roma. 8.

*Obiectio.
quod fides
non sit in
peccatori-
bus.*

C ij rii

Augusti.
in Ioannē

rium colligi posse, quod scilicet fides non est in peccatoribus, neq; distinguatur a charitate, solamq; sufficere ad iustificationem, vt inter ceteros ē illud Augustini, qui plane testatur si dem esse animæ vitam. Quod si esset, videretur falsum, eā esse in peccatoribus, qui sunt deo mortui. Quod qui dem dictum est ab Augustino, non propterea quod illa sola animum viuificet, sed illa vitæ est initium, & radix, ac sine illa nullus viuut, ac nisi impediatur, omnia nobis inferret, quæ exiguntur ad vitam. Non enim sibi contrarius fuit qui sepe, vt citatum ē, asseruit nihil ipsam valere ad vitam, si separata sit a charitate. Quod his verbis exponit Bernardus. Fidei vita charitas, & recedente spiritu, fides moritur. Item illud Hieronymi, cū dilectio percul absuerit & fides pariter abscedit. Quæ verba Hieronymi, vt ex precedentibus colligitur, intelligenda de fiducia humana, quæ etiam in sacris sæpe significatur nomine fidei. Quam verum est locum non habere, vbi non est dilectio, quia non fidimus nisi

Sermo. 2.
de resur.

Hierony.
in epistola
ad Gal.

nisi eis quos amamus, & a quibus nos amari, nobis persuademus. Hæc igitur & his similia quæ ex doctoribus ecclesiasticis proferuntur, intelligenda de fide quæ languet & est ociosa. Quod si inquit quis, doctores ecclesiasticos aliquando dixit de fide nos sola saluari & iustificari, idq; fecisse sacræ scripturæ innixos, vt inter ceteros est Origenes. Qui in verba illa Pauli. Arbitramur iustificari hominem per fidem sine operibus legis ait apostolus. Dicit iustificare solius fidei iustificationem, ita vt credens quis tantummodo iustificetur, etiā si nihil operis ab eo fuerit expletum. Et statim ipse sola fide sine operibus iustificatum dicit latronem, & Magdalenam ex nullo legis opere, sed pro sola fide dixisse Christum. Remittuntur tibi peccata tua. Et mox fides tua te saluam fecit, vade in pace. Sed & in multis euāgelii locis addit, hoc sermone vsum legimus saluatorem, vt credentis fidem, causam diceret esse salutis ipsius. Et paulo post. Quia nemo iuxta prophetam potest gloriari castum se habere cor, & om-

Obiectio
quod sola
fides iustificet
Origenes.

Esa 64.

C iij nis

Esaia 64 **his iusticia est iuxta Esaia** sicut p̄a-
nus mulieris menstruare. Sic infert, so-
la igitur iusta gloriatio, in fide Christi
crucis, quæ excludit omnem illā glo-
Hilarius **riationem, quæ descendit ex operi-**
in Matth. **bus legis. Et Hilarius in illud. Confis-**
de fili, dimittuntur tibi peccata tua.
Monet scribas remissum ab homine
peccatum. Hominem enim tantum in
Iesu Christo contuebatur, & remissum
ab eo quod lex laxare non poterat, fi-
Ambrosi. **des enim sola iustificat. Ambrosius**
item in sermone 45. dum felicitatem
explicat latronis, qui meruit a Chris-
sto audire. Hodie mecum eris in para-
diso, ita scribit. Sed hanc tantam glo-
riam, vt non in alterum diem differas-
tur, sed eadem die qua paradysus deū
suscepit, susciperet & latronem, fides
latroni præstitit. Fides enim est quæ
peccata cooperit, vincit crimina quæ
facit de latronibus innocētes. Et pau-
lo post addit: sicut suffecit Iudæ ad sce-
lera Christum deferuisse, ita suffecit
latroni ad innocentiam domino cre-
didiſſe. Et Chrysostomus in sermone
quodam. Nullus sine fide vitam habu-

it, latro autem credidit duntaxat, &
iustificatus ē a misericordissimo deo,
atq; hic ne mihi dixeris, defuisse illi tē-
pus quo iuste viueret ac honesta face-
ret opera. Neq; enim de hoc contens-
derim ego, sed vnum illud asseueras-
uerim quod sola fides per se saluū fe-
cerit. Nam si superuixisset fideiq; &
operum fuisset negligens, a salute ex-
cidisset. Hoc autem nunc quæritur, et
agitur, quod fides per seipsam saluum
fecerit, opera autem per se nullos vn-
quam operarios iustificarunt. Et hoc
probat ex Cornelio, in quo dicit ante
acceptam fidem Christi bona quidē
opera fuisse, sed mortua, quia fidem
non habebat Christi, licet in deum
crederet. Oportet enim ante opera lu-
cere fidem, & fidei pedisse qua opera.
Augustinus super psalmum 31. trac-
tans illa verba Pauli. Arbitramur ius-
tificari hominem per fidem sine ope-
ribus legis. Noli inquit præsumere de
operibus ante fidē. Noueris quia pec-
catorem fides te inuenit, & si te fides
data fecit iustum, impium inuenit, quo
faceret iustum. Et ibidem dicit ex fi-
de

Bernard.
ser. 22. cā.

de iustificatum Abraham, & si fidem,
ait, opera non præcesserunt, tamē ses-
cuta sunt. Et Bernardus ad deū. Tan-
tum validus es ad iustificandum quā
multus ad ignoscendum. Quamobrē
quisquis pro peccatis compunctus es-
surit & sitit iusticiam, credat in te, qui
iustificas impium, & solam iustificas
tus per fidem, pacem habebit ad te.
Idem in epistola 77. ita scribit, cū Chri-
stus dixisset. Qui crediderit & baptis-
tatus fuerit, saluus erit, caute non res-
petit, qui vero baptisatus non fuerit.
Sed tantum qui vero non crediderit,
condemnabitur, nimirum inntiens so-
lam interdum fidem sufficere ad salus-
tem, & sine illa sufficere nihil. Et in di-
plomate Martini 5. qua condemnati
sunt Ioannes Vicleff & Hus, dilucide
asseritur fidem solam catholicam salu-
uare, & sine ipsa nulli subsidium salus-
tis contigisse. Hæc prædicta & his sis-
milis catholicis non debent satis esse
ut credant fide sola posse iustificari
impium, aut tueri & conseruari iustis-
ciam, vel deniq; beatitudinem adipis-
ci. Dum enim Ecclesiastici tractato-
res,

And. Veg
responsio
nes septē
ad asserti-
ōes quibus
tribuitur
iustificatio
soli fidei.

res, secuti in speciem apostolum Pau-
lum: fidei soli iustificationem tribue-
re, & necessitatem aliorum operum
negare vident, non sic intelligendi
sunt ut opera ex gratia & auxilio det-
facta quę scriptura ad salutem impio-
rum exigit, illis verbis excludant. Ex-
cludunt vero aliquando sola opera
exteriora, & hoc volunt duntaxat p-
certo statui, non esse opus exteriore
sacramentorum susceptione, vbi eam
articulus necessitatis excludit. Ac
quandoq; tantum ad opera ceremo-
nialia vel iudicialia veteris legis quę
proprie legalia dicuntur, sermonem
referunt, & ea sola affirmant necessa-
ria ad iusticiam non esse. Et nonnun-
quam agunt de operibus ante fidem,
vel certe de operibus quę fiunt vel p-
legem, vel per naturam sine gratiæ p-
uenientis auxilio, & illa duntaxat ut
ad iustificationem parum vtilia reiici-
unt. Interdum etiam hoc vnū eis ver-
bis volunt explicare, non præcedere
iustificationem aliqua opera, quę sint
proprie ipsius merita, quibusq; ipsa ve-
re debeat, vel quia fides, sicut dicit 6
D chri

Chrisostomus per seipsam plenā est
operibus, & ubi primum credimus,
nisi nos eam impedierimus, simul &
operibus eam ornamus, fide omnia
complectuntur, quæ ipsam sequunt,
quæq; ipsa præscribit necessaria ad ius-
tificationem, & fide sola aiunt nos ius-
tificari, vt intelligamus non iustifica-
ri nos, nisi illis quæ ipsa in nobis & ef-
ficat & præstituit. Et aliquoties fidem
non operibus, sed nefariis infidelium,
& hæreticorum sectis opponunt, &
dicentes tantum fidem nostram sal-
uare, tantundem exprimunt ac si aper-
tius dicerent, in nulla alia secta, vel re-
ligione posse quempiam saluum fieri,
sed solum mō in fide Christi, & extra
illam nemini posse salutem continge-
re. Sed hæc apertiora fient, cum ad di-
cta præcedentia doctorum, sacrę scri-
pturæ innixorum responsiones expē-
duntur. Et Origenem quidem mani-
festum est non exclusisse per illud uer-
bum sola fide, opera ex fide pcedētia,
videlicet dilectiōis, cōfessiōis, oratiōis
aut poenitentię interioris, sed exclusis-
se duntaxat opera exteriora, vel lega-

lia

lia Mosaicæ legis. Nā vt sola fide mō-
straret posse homines sine operibus
legis iustificari, inducit exempla la-
tronis scilicet & Magdalene, & utrūq; *Lucæ. 23.*
q; dicit sola fide iustificatum. Cum ta-
men ex Luca constet, & latronem su-
orum peccatorum poenituisse, & Ma-
gdaenæ dimissa esse peccata, quod di-
lexit multum. Hilarius vero propter
ea dixit solam fidē iustificare, q̃a abs-
q; illa lex nunq; præstare potuit iusti-
ciam. Illa autem cum illis quæ ipsa &
præcipit & facit, credentes passim ius-
tificat. Nam verbo solam, tantū mo-
do legem excludit. Et hoc nimirum
videtur ille dixisse, quod Theophila-
ctus in illa verba Christi. Corā te co-
medimus nimis scrupulose, & aliquā-
to aperiens sic dicit. Non sufficebat
iudæis ad iustificationem cultus ille
per sanguinis effusionem, non acce-
dente fide quæ iustificat impium. Vnde
& ipse Hilarius ne libertatem ab a-
liis præceptis videri posset docuisse,
cap: x. subdit, fides nostra omnibus
præceptis diuinæ voluntatis intenta
est. Et Ambrosius in latronis iustifi-

Hilarius

D i ca

Solutiões
locorū ex
doctorib9
ante pro-
ductorum

catione non excludit opera interiora
procedentia a fide, manifestum est.
Quia in loco citato deuotionem fidei
& ipem & orationem ipsius mirifice
commendat, & eum sua oratione as-
per te iustificatum dicit. Et sermone
44. ne putaretur nomine solius fidei,
exclusisse confessionem latronis, que
actus fidei est, aut dei dilectione, aut
alios preclaros animi affectus, quos il-
le habuit in cruce, expresse dicit, eum
plus amasse in cruce Christum quam
Iudas amauerit in coena. Et cum a lu-
da pacis blandimenta, fuerint vendi-
ta, a latrone crucis vulnera, constan-
ter predicata, & despexisse eum vitam
presentem & pro sola futura orasse,
& se quidem accusasse illis verbis. Et
Luce. 23. nos quidem iuste, nam digna factis re-
cepimus. Et addit plus amare Christum
ipsum coepisse, ex quo intellexit vul-
nera illius, esse vulnera sui ipsius, non
Christi. Quod vero attinet Chryso-
stomi & Augustini locos supra alle-
gatos, cum ipsi fateantur distincte op-
erum necessitatem, soli fidei iustifi-
cationem tribuunt, quia alienum esse
pu

putarunt ut illo verbo sola fide exclu-
di crederentur opera, quae ab ea pros-
cedunt, & plerumque euenire intellexe-
runt, ut positis illis operibus, quorum
ipsi meminerunt, nihil amplius ad ius-
tificationem deesset, quam sola fides,
& praeter eam statuere volebant ne-
minem posse iustificari. Et de Chryso-
stomo hoc liquet, quia nihil aliud Cor-
nelio defuisse dicit ad salutem. Et in
homilia 20 in Ioannem ex illis verbis
Christi. Quinimo beati, qui audiunt
verbum dei sic colligit. Hic intelligi-
mus fide semper nobis opus esse, &
vita quae virtutibus luceat haec dum-
taxat saluos nos facere poterit. De
Bernardo etiam apertum idem est.
Quid enim aliud desit compuncto cor-
de, & esurienti iusticiam, quam fides
& spes in Deum? Qua ratione in ver-
bis supra citatis ex sermone 3. de an-
nuntiatione, sola spe impetrare dicit,
misericordiam apud deum, fides siqui-
dem & spes, si vere sint, & non inanes,
possunt cum illis quae ex eis sequuntur,
vel quibus innituntur impetrare dei
gratiam, non autem alia opera sine ip-
D iij sis

sis. Atq; ita dicimus sola dei misericordia nos ipsi reconciliari & saluari, quia illa ad hoc sufficit, ex lege cum illis quæ requirit, & in nobis efficit, nihil autem sufficit sine illa. In secundo vero testimonio ex Bernardo perspicuum est solam fidem, appellari fidem, quæ non habet exteriorem sacramenti baptismi susceptionem. Et enim ibi meminit conuersionis ad deum & desiderii percipiendi baptismum, & tantum promittit salutem sine baptismo, si non desit fides, pia spes, & charitas sincera. Et in locis supra citatis palam est ipsos asserere, fidem non posse quæquam efficere rectum absq; mandatorum obseruatione. Iam quod Paulus

Cōciliatio asserit Abrahæ iustificatum ex fide, non autem ex operibus, Iacobus *locorum* autem ex fide & ex operibus, non sūt *Pauli &* sibi diuersi. Nam Paulus refellit errorem iudeorum, qui se meritis operum bonorum quæ in lege præcesserant ad euangelicam gratiam peruenisse putabant, asserentes non esse ad eam recipiendos gentiles idololatrias. Vnde ait Paulus non posse hominem iustificari

carum ex operibus fidem præcedentibus. Iacobus autem arguit eos, qui sumpta ex verbis Pauli occasione, semel indepta fide ociosi degebant, satis esse sibi credentes vel ociosam ad salutem, cum tamen (ut idem ait) fides sine operibus mortua est. Cui & Paulus sub *Galat. 5.* scribit dicens, fidem in Christo valere, quæ per dilectionem operatur. Proinde asserunt theologi iustificationem duplicem, primam, & secundam. Primam quidem qua ex impio fit iustus, quod fit in momento, absq; ullis operum meritis, immo absq; ullo nostro præcedente opere. Quod vero dicunt præcedente, sane intelligendum. Nam una cum huiusmodi iustificatione, motus necesse est accedat liberi arbitrii in Iesum credentis, & veteris vite poenitentis, in eum quidem motum diuinitus attracti, & pulsati. Quam nulla opera nostra mereri, nemo neq; veterum, neq; recentiorum theologorum negauit. Et de hac loquitur ad Romanos Paulus, ostendens nulla opera siue naturæ, siue legis, iustificationem impium meruisse, adeoque gentiles & iudeos

Iustificatio dñx.

Gagneius in præfatione epistolæ ad Romanos.

daos quantum ad eam rem attinet,
pares esse, eosque de lege, illos de natu-
ralibus frustra gloriari. Ab hac iustifi-
catione non excluduntur opera, ex fi-
de procedentia interiora videlicet di-
lectionis, confessionis, & orationis, ac
ut poenitentia interioris. Altera iusti-
ficatio qua iam accepta fide, in iustis-
cia proficimus, & iam per fidem gratis
iustificati rursus iustificamur, id est,
amplius iusti efficimur: Iuxta illud.
Qui iustus est, iustificetur adhuc. Ad
hanc iustificationem exiguntur ope-
ra, etiam exteriora, quibus secundo
modo iustificamur, non ex dignitate
nostrorum operum in se, sed cum dei
gratia, & fide coniunctorum, per que
ex dei benignitate ita nobiscum paci-
scuntis etiam & salutem mereri dici-
mur. Vnde plenae sunt sacrae scriptu-
rae, bene operantibus pro mercede
salutem reddi ac vitam aeternam. Vn-
de & diuus Iacobus ait. Abraham pa-
ter noster nonne ex operibus iustifi-
catus est offerens filium suum Isaac
super altare? Vides quoniam fides co-
operabatur operibus illius, & ex ope-
ribus

Apoca. 22

Matth. 5.
19. 25.

Iacobus 2.

ribus fides consummata est, & suppleta
est scriptura dicens. Credidit Abraha
deo & reputatum est illi ad iusticiam
& amicus dei appellatus est. Videtis
(inquit) quoniam iustificatur, homo
ex operibus, non ex fide tantum. Ne-
que in hoc diuersus a Paulo, qui dicit. Abra-
ham iustificatus ex fide, non autem ex opi-
bus, hic vero fide et opibus. Nam intelli-
git Paulus opera fidem precedentia,
que non merentur iustificationem primam.
Iacobus vero intelligit opera, praefer-
tim externa fidem sequentia, quae fa-
ciunt ad iustificationem secundam,
ut paulo ante dictum est. Id quod &
Paulus ipse testatur cum diceret. Non
auditores, sed factores legis iusti sunt
apud deum. Idque contra sententiam
quorundam, qui opera dicunt perti-
nere ad iustificationem, quae est apud
homines, non deum. Non igitur sola
fide iustificamur. Vnde ille canon or-
thodoxorum & catholicorum. Si quis
dixerit sola fide impium iustificari, i-
ta ut intelligat nihil aliud requiri quod
ad iustificationis gratiam consequen-
dam cooperetur, & nulla ex parte ne-
cesse

Iacob. 2.

Canon 9. c.
ciliij Tri.

esse esse eum suæ voluntatis motu
preparari, atq; disponi, anathema sit.
Fides uero Cum igitur hæc ita sint, recte doctissi-
ra etsi non mi & orthodoxi viri asserunt, esse quã-
uiua. dam fidem veram, sed non viuã, quæ
Fides Cas est habitus a deo infusus ad assentien-
tholica. dum omnibus a deo reuelatis, qui ha-
Basilii de bitus, fides catholica a scholasticis the-
uena et pi ologis communiter dicitur. Quam par-
a fide. ticularim sic Magnus Basiliius definit
Fides est assentiens approbatio sine
hæsitacione, scilicet his quæ diuinitus
reuelata sunt. Atq; ab hac Christianas
nos dicimus esse fideles, quia hæc cer-
ta animi persuasio de reuelatis a deo
traditis nobis ab Ecclesia nos ab illis
disseparat, qui alias sectas sequuntur.
Non autem fiducia misericordiæ di-
uinæ siue obtentæ, siue obtinendæ,
quæ fiducia aliquando fidei nomine
significatur in sacris. Et si enim hære-
ticus fiduciam habet in deum, tamen
Andre: Ve quatenus non habet fidem prædictã,
ga in con in erroreq; persistit, condemnat. Nec
ci. Tridët. q; de alia Paulus & Iacobus loquun-
tur, cum Paulus ipsi ut principio, &
causæ iustificationem tribuit. Et Iaco-
bus

bus eam dicit non sufficere ad iustifi-
am, nisi illi adiungantur opera. Neq;
enim in re tanta varie decebat rãos
apostolos uti vocabulo fidei, ut aiunt
doctissimi. Absurdũq; esset quæ Chri-
stus & apostoli sui de fide complectẽ-
te omnia diuinitus reuelata nobis tra-
diderunt, ad vnam fiduciam diuinæ
misericordiæ coarctare. Et Paulus ip-
se perinde ac Iacobus docuit, fidem
solam non sufficere ad salutem. Cum
alibi tum apertissime in illo. In Chris-
to Iesu neq; circumcisio aliquid va-
let, neq; præputium, sed fides quæ p
charitatem operatur. Nam si fides ni-
hil valet nisi per charitatem operet,
nec ad iustificandum sola sufficiet. Hæc
autem fides quæ nisi impediatur per
charitatem operatur, est fides, quam
dicimus esse in omnibus iustis, nec a-
mitteri quocumq; peccato letali, sed so-
la infidelitate, ut ante ostensum est,
nec in paucis disseparatur (ut grauissi-
mi & doctissimi docent) fides theos-
logica seu catholica ab ea de qua pro-
testantes loquuntur, fides quippe the-
ologica initium est iustificationis. Illa

E i ve

Differen vero fides de qua isti agunt, si vt com
tia inter fi munius dicunt, sit fiducia acceptatio
de cathos nis diuine, aut donate misericordie
lica ac pee per Christum. Manifeste posterior e
stantium. iustificatiõe, neq; medium, aut instru

1 mentum quo eam apprehendimus.

2 Deinde ad eam vel fiduciam obtinen
de misericordie, opus non est peccu
liari aliquo habitu virtutis infuso, si
cut ad certo credenda que non videtur.
Facile quippe est fidere ei qui iux
ta fragilitatem seruat, aut vult seruare
mandata dei, si quidem firmam fidem
in intellectu habeat de misericordie
diuine immensitate, & promissio
nibus nobis benigne factis. Non autem

3 sic facile est reuelata, nobis tradita
credere. Atq; hinc sequitur fidem theo
logicam, & habitum esse, & actum, ac
proinde in dormientibus esse posse,
& non vrentibus ratione. Fiducia ve
ro dicitur actus, vel passio ex eo.

4 consequens. Cumq; fides theologica
in intellectu sit, hæc procul dubio vo
luntati soli conuenit. Vnde & Paulus
cum dicit in Christo nos habere fidu
ciam & accessum in confidentia per

fidem

Eph. 3,

fidem eius, clarissime distinguit fidem
a fiducia. Merito igitur ille canon a
patribus statutus: Si quis dixerit fidem
iustificantem, nil aliud esse quam fidu
ciam diuine misericordie, peccata remittentis
propter Christum, vel etiam
fiduciam solam esse qua iustificamur,
anathema sit. Et ille. Si quis dixerit am
missa per peccatum gratia simul & fide
dem animitti, aut que remanet non esse
se veram fidem, licet non sit viua, aut
eum qui veram fidem sine charitate
non habet non esse christianum, ana
thema sit. Cum autem verum dicitur
duobus modis, primo quod actu est
ac speciem suam retinet. Secundo, quod
viuam habet & energiam: hoc est, effica
ciam, & perfectionem quam iuxta spe
ciem suam potest habere, iuxta prior
rem modum patres dixerunt veram
fidem in peccatoribus, quia idem om
nino vel actus, vel habitus fidei in eis
potest residere, qui erat dum erant in
gratia. Viua autem fides est, quæ se
operibus charitatis exerit, quæ illi est
vita, vt ante dictum est. Ex prædictis
igitur omnibus ad asstruendam asser
E. iii. tio

*Canon 12
con. Tri.*

*Canon 28
con. Trid.*

*Verum di
citur duo
bus modis*

Epilogus.

tionem in medium allatis, inter coe-
ra, hoc qd' p'sentis est stituti, colligit.
Cum fides (vt precedentia palā oſtē-
dunt) a charitate diſiungi poſſit, ea q;
ſola ad iuſtificationem & ſalutem nō
ſufficiat, niſi charitate viuificata et for-
mata fuerit: conſtat illa, charitatē eſſe
praeſtantiorem, etiam in hac vita, vt
pote quā ſine illa immediate non po-
ſit ad ſummum bonum conſequendū.
Cumq; fides ordinetur in charitatem,
(vt ex antedictis patuit) fides enim ē
vt deus diligatur, clarum eſt illam pre-
ſtantiorem eſſe fide, praeſtantius enī
eſt illud in quod ordinatur aliud. Qd'
ſi charitas (definitor Auguſtino) ē
motus animi ad fruendum deo, ppter
ipſum, & ſe atq; proximo, ppter deū:
certe fidei praeferenda eſt, quod fide
non deperdita (vt ante patuit) ple-
runq; homines negligunt deum. At
charitas, vt ex definitione, & antedi-
ctis patet, facit vt deum diligamus, &
eius mandata ſeruemus, atq; ob id ab
illo amemur. Quod Chriſtus aperte
illis verbis teſtatur. Si quis diligit me,
ſermones meos ſeruabit, & pater me-

Auguſtin.
li. 3. ca. 10.
de doctri-
na chriſti.

Ioan. 14.
Ioan. 15.

us

us diligit eum, & ad eum veniemus,
& manſionē apud eum faciemus. Qui
non diligit me, ſermones meos non
ſeruatur. Item. Vos amici mei eſtis, ſi fe-
ceritis ea quę ego praeſcribo vobis: Si
praecepta mea ſeruaueritis, manebi-
tis in dilectione mea. Item. Qui habet
praecepta mea, & ſeruatur ea, ille eſt qui
diligat me, qui autem diligit me, dilia-
getur a patre meo, & ego diligam eū,
& aperiam ei meipſum. Et certe Chri-
ſtus ſub eā tempus, cum extrema
verba faceret diſcipulis, nimirum
ſciens iam eos plenos fidei non te-
mere nuſquam non dilectionis &
charitatis meminit. Mandatum, *Ioan. 13.*
(inquit) nouum do vobis, vt diligatis
inuicem. In hoc cognoscent omnes,
q̃a diſcipuli mei eſtis, ſi charitatē ſer-
uaueritis mutuam. Et alibi. Hoc eſt
praeceptū meū vt diligatis inuicē. &c.
Nimirum vt innueret fidem a chari-
tate diſiungi poſſe, illamq; eſſe qua im-
mediate deo coniungimur. Quod ſi
indiuulſa eſt a fide charitas, vt perpe-
ram iſti ſomniant, quorū toties ſā
credentibus dilectionis & charitatis
verba

Ioan. 14.

Ioan. 13.

*Fides eſſe
potest ſine
charitate*

verba: Vbi autem alloquitur rudes
& infideles, fidei meminit, quod prae-
*Quando mentio fi-
dei à christo facta.
Matthaei 9
Ioannis 6* uia sit charitatis, spei, & coeterarū
tutum. Hinc illa: fides tua te saluam
fecit. Secundum fidem vestram fiat
vobis. Hoc est opus dei vt credatis in
eum quem misit ille Et similia multa.
Cum vero fideles alloquitur discipu-
los, dilectiōis magis meminisse solet,
quanquam & fidei nonnunquā. Qui
& apostolus, & si fidem appeller sub-
Hebre. 11. stantiam rerum sperandarum, quod
scilicet sine illa quasi sine fundamen-
to non queat in altum strui spiritualis
gratiarum ac virtutum fabrica, ob id
q̃ dixerit, sine fide impossibile esse
placere deo. Tamen in loco a princia-
pio citato, charitati tribuit obseruati-
onem mandatorum dei, immo & fi-
dei speiq̃ corroboracionem. Charitas
(inquit) non aemulatur, non agit per-
1. Cor. 13. peram, non inflatur, nō est ambicio-
sa, non querit quae sua sunt, non irrita-
tur, non cogitat malum, non gaudet
super iniquitate, congaudet autē ves-
titati, omnia suffert, omnia credit, om-
nia sperat, omnia sustinet, hac ille.
Præter

Præterea quamuis deum fide cogno-
scamus, tamen si a charitate alieni fu-
erimus, illum non nosse dicemur, iux-
ta illud Ioannis. Qui non diligit, non
1. Ioan. 4 nouit deum. Quoniam deus charitas
est, in qua eodem teste, qui manet, in
deo manet, & deus in eo. Sed quoniā
in scripturis sacris, auctoritates ad fa-
ciendam fidem validiores sunt ratio-
nibus, præter auctoritates doctorum
ecclesiasticorum prius allegatas, & al-
ias plurimas, quibus illa nullum ma-
ius donum diuinum affirmant. Ipse
Paulus vas electionis, in quo (vt ipse
1. Cor. 13. ait) loquebatur Christus, in loco citato
Locy pan
to apertissime istuc ipsum fatetur, cū
li in quo
diceret. Nunc autem manent fides,
apertissi-
me ostens-
dit chari-
tatem ma-
iore fide.
spes, charitas, tria hæc, maior horum
est charitas. Neq̃ Paulus ob hoc tan-
tum charitatem maiorem dixit, quod
in futuro istis duabus cessantibus vl-
la mansura sit, & augenda. Sed ob alia
etiam in hac vita maiorem dixit his.
Non enim dicit. Nunc duæ manent,
fides, spes, tūc autem maior charitas.
Verum omnes complectendo in præ-
senti, ait. Nunc autem manent fides,
F spes,

Ephes. 3.

Gal. 5.

1040.13.

Spes, charitas, tria hæc, maior autem horum charitas, innuens comparationem in vita præsentī intelligi debere. Nam si in illa vita tantum intelligeret maiorem charitatem esse fidē, certe in eodem capite neutriquam affirmasset, etiam si fidem haberet (quæ huic vitæ conuenit) tantā, ut montes trās ferret, sine charitate se nihil esse. Neq̃ Ephesiis scripsisset. Ante omnia charitatem habentes quod est vinculum perfectionis. Et ad Galatas scribens non asseruisset, fidem in Christo valere, quæ per charitatem operetur. Neq̃ Christus in extrema cœna discipulis iam fidei plenīs iniunxisset. Mādam nouum do vobis ut diligatis inuicem, per hoc cognoscent ōnes, qđ discipuli mei estis, si charitatem inter vos seruaueritis mutuā. Vtpote indicans non tam fidem, quam charitatē esse pecculiare quoddam christianorum insigne. Ex prædictis igitur constat, charitatē, etsi initium sumit a fide, tamen præstantiorem seu maiore esse fidē, etiam in hac vitā.

Finis. Deo gloria.

2. Ad Thimoth. 4.

Erit tempus cum sanam doctrinam non sustinebunt, sed ad sua deſideria coaceruabunt sibi magistros, pruriētes auribus.

1. Petri 2.

Quasi liberi, & non quasi velamen habentes malitiæ libertatem, sed sicut serui dei, omnes honorate, fraternitatem diligite, deum time, regem honorificate.

Ad Galatas. 5.

Vos enim in libertatem vocati estis fratres, tantum ne libertatem in occasionem detis carnis, sed per charitatē spiritus seruite in inuicem.

Idem paulo post.

Qui autem sūt Christi, carnem suam crucifixerunt cum viciis & concupiscentiis suis.

Matthei 7.

Intrate per angustam portam, quoniam lata est porta & spatiosa via, quæ ab-

E A

ducit

ducit in exitium, multique sunt qui ingressi
sunt per illam, quoniam angusta est porta, & stricta via quae abducit
ad vitam, & pauci sunt qui inveniunt illam.

Ibidem.

Non quisquis dicit mihi domine domine,
introibit in regnum coelorum, sed qui
fecerit voluntatem patris mei.




CRACOVIAE
Apud Hæc: Marci
Scharffenberger.

Anno. M. D. L. V.



Extr. XXIII. 201.

(Gravt. Jap. Kramm.
Blowing. Wind)



Cim 244

Konserwacja papieru i oprawa
wykonane w Oddz. Konserwacji
Biblioteki Jagiellońskiej.

sierpień-wrzesień 1981

